

麻城縣志卷之八

知縣事漢上屈振奇纂修

人才志下

逸行

宋王翊結桃黃菴隱居自號桃黃山人東坡志林云
岐亭有王翊者家富□好善夢于水邊見一人爲
人所毆傷翊救免明日至水邊見一鹿爲獵人所
得翊悟以數千贖之□隨翊起居未嘗一步捨翊

麻城縣志

卷之八

一

又翊所居後有茂林□木一日有村婦過林中見
一桃熟而絕大獨在□抄乃取而食之翊適見大
驚婦人食已棄其核□取而剖之得硫黃一塊如
桃仁食之甚甘美白□斷葷肉齋居一食不復殺
生

張憨子□□□□□□九螺山逸人東坡志林云
黃州□縣□□□□如狂人見人輒罵云放火
賊稍知書□□□□□□人□力□□□□

辭時從人乞予之錢不受冬夏一布褐三十年不
易然近之不覺有垢穢氣邑人周維柎曾于九螺
山石壁間搜得憨子鐫壁詩云遙望山頂鬧洋洋
人人朝拜石頭娘日假浮雲充烟屋夜將明月作
燈光炎熱致使風爲扇旱渴間逢雨折湯天地同
生此石毋許多孩兒寄名郎詩雖鄙俚然有一段
瀟灑烟霞之致

元陳聰世居西山力田務本以禮義廉耻訓鄉邑

麻城縣志

卷之八

二

樊子晉讀書明理審病察豚預知十年生死醫家宗
之

康伯道觀山白水巖鐫康伯携家來遊巖所鐫年號
皆宋元世以爲韓康伯未確

明王兆雲號赤□嗜書築樓名垂雲藏之交遊悉江
左名士刻有四大史記評林諸書子陞號酉陽博
古書法學晉二王邑人多取法

甘里魯幼爲人牧奮志□苦研窮朱程之學卒成大

儒以黃陂有二程望魯臺因以自號遺命其子死必葬我陳季常之側邑人從之

毛鳳起字瑞東號道峰少習制舉業後棄之從遊於王陽明歸講學授徒嘉靖壬辰詔舉賢良敦行遺逸之士有司以鳳起應不就

劉守蒙字子功邑諸生莊襄公冢孫以恩廕讓其叔父溧以世廕讓其弟守孚人以是稱其有讓德天折士林惜之

麻城縣志

卷之八

三

毛可學號思溪理學傳家孝友風世與拙齋劉承烈同志切劘

劉承烈號拙齋少聞耿楚侗講學執贄往師焉楚侗與語奇之因閉關讀書窮理清操不苟學以格物爲宗翛然樂天人呼爲拙聖生平閱易學百四十家晚著易名易學就正十卷數易稿猶未安今門墻有能言之者凡國家典故講究精博歲時會講聞者悅服惜未展布所蘊

周延齡字大年總角即有才名清修耿介其父制歷仕陝浙竟不一履任所惟以麟經教授閭閻邑俊秀多出其門遠及滇黔千里負笈受業見重於督師丁啓睿迓之惟握一總戎希陞遷持銀五百兩托閔說於丁詢之果稱其職乃爲力請得允却其謝金曰受之則非公其不苟類如此明末輪歲薦高尚不就學使郃爲之賦招隱之章其子長流著有麻城春秋文選行世其家學淵源云

麻城縣志

卷之八

四

鄧茂林字仲翔給事中楚望之子御史達之孫也兄時岐嶷聰穎見竒於太史劉洪源遂結絲蘿英年積書充棟淹貫百家迨數困棘闈遂憤棄舉子業講古敦行翩翩塵表曾師事袁渭宇袁以百金私付茂處囑好存貯爲我身後計吾諸子不可告也及袁歿即携銀往唁爲治喪具而歸真居心仁厚不以存歿異念也今子此成暨孫輩森森猶是忠厚傳家異日豈無繼公之志補公之未迨者乎

劉師召號魯橋講學著書梅司馬國楨出其門
王可任號重菴行詣修潔以孝友著聞生平多盛德
事又自號知非子
謝天眷字夢膏兒時卽清修自勵歲歉散產業以濟
族黨從遊于耿天臺周柳塘之門處士何心隱忤
江陵斃于楚撫軍杖天眷携炙絮往奠詩以哭之
又嘗雪曹指揮拔黃寃及蕭繼忠等枉獄其仗義
任俠多如此

麻城縣志

卷之八

又四

李瑞號白岡家貧讀誦希古與劉端簡爲莫逆友萬
曆元年建邑城瑞糧里輪工親操畚鍤徃役焉時
端簡致政村居以老友役特爲入城省之

田可東號季川讀書應童子試卷與取爲胥作弊割
其卷面易他名或勸之發覺不可曰安之而已英
山富人被巡方捕意知可東與巡方者善以千金
浼徃請釋未至而富人全家瘐死僅遺孤可東潛
以金還其孤後四子生玉生芝生蘭生金俱登仕

籍

喻儀號麟野世宗朝邑漕糧運兌多不便民儀捐貲
呈請永入一條編內合邑永賴之

曾鎮號石洞道人于柏子塔石洞幽栖畫山水筆墨
蒼老鶴髮藜杖籜冠羽服望之若仙劉子侗爲作
序

梅之煥號惠連少司馬國楨子持身方正勵學湛深
初棄父文武襲蔭工制舉義馳聲寓內有年繼以

麻城縣志

卷之八

五

武廕久曠例有降奪俛襲職因疏請北行葬思宗
不允遂歸隱囊山別號槁木著春秋因是萍廬史
論偶集寄言諸書行於世教其子垌克承先志

流寓

漢毛玠字孝先陳留人今邑中毛氏子孫言玠携幼
子家於麻城有魏武帝手書萬古高風四大字賜
玠者毛氏世珍藏之如僉憲之毛鳳韶丁丑進士
之毛羽儀皆玠後裔也玠墓在花橋離縣治東十

七里

按朱子綱目獻帝建安十三年曹操以玠爲東曹掾與崔琰並典選舉所用皆清正之上拔敦實斥華僞進冲遜抑阿黨由是□以廉節自勵雖貴寵輿服不敢過度長吏還者垢面羸衣獨乘柴車軍吏入府朝服徒行吏潔于上俗移于下十八年以玠爲尚書二十一年操賜崔琰死玠傷琰無辜心不悅人復曰玠怨謗方收付獄桓階和洽爲之陳

麻城縣志

卷之八

六

理操曰此捐君臣恩義妄爲死友怨歎殆不可忍也洽曰玠歷年荷寵剛直忠公爲衆所憚不冝有此玠信有□言當肆之市朝若無此言言事者誣大臣以誤聽聽臣竊不安操卒不窮治玠遂免黜□陳壽有□玠傳見三國志

宋陳慥字季常洛陽人寓岐亭號龍丘子又曰方山子與蘇子瞻友善容齋洪氏隨筆云慥字季常公弼之子好□客喜畜聲妓然其妻柳氏絕兇垢故

東坡詩云龍丘居士亦可憐談空說有夜不眠忽
聞河東獅子吼拄杖落手心茫然河東獅子指柳
氏也又按東坡與季常扎云季常未常爲王公屈
今乃特欲爲我入州州中士大夫聞之聳然使不
肖增重矣不知果能命駕否又云數日前率然過
江遊寒溪西山奇勝殆過於所聞獨以坐無狂先
生爲憾耳東坡爲作方山子傳又贈答有詩今慥
墓在岐亭北五里之杏花村

按

原本云季常蜀人按此或因東坡故人之說而誤
以爲與坡皆蜀人也據方山子傳東坡之所謂故
人者云前十九年在岐山見之盖東坡官鳳翔時
始見慥且傳明言家在洛陽矣則慥當爲洛陽人
又原本疑於河東獅子之說謂慥家當在岐亭河
東岸亦未必然慥妻柳氏坡盖暗川杜詩河東女
兒身姓柳以嘲之耳

元喻千祿江西人任黃州刺史多惠政工詩賦精陰陽律曆諸書與其弟評事百祿寓居麻城今千祿墓在城南三角湖上

明趙乾歸安人元趙子昂之裔洪武初任麻城令後寓居于縣西之牛棚山麓子孫家焉

李贄號卓吾別號秃翁溫陵人仕姚安太守棄官依黃安耿子庸過麻城悅龍湖風景止焉與梅客生周柳塘丘長孺周友山善僧無念道一皆與之遊

麻城縣志

卷之八

八

性卞急而潔日惟讀書洒掃與人交非其所好對坐終日不一語後有以妖人聞于朝者被逮自剄於京邸詳見劉侗卓吾墓志初至龍湖輯書曰初譚史綱藏書焚書因果錄等手錄及所評點不下數百種下檄逐日火其廬與書書燼亘畝

孝子

明趙說仙居鄉人以詩書教授生徒父母同日死說號慟盡哀負土成墳廬墓側感二白雀馴擾墓間

正統時旌表其門

梁庠白杲人母王氏篤疾庠身不離榻衣不解帶□
載有古人所未爲者里中稱爲苦孝

按

舊志載周志廬墓喻沿毛性中鄒學成夏思鎮俱
割股未詳考

列女

元蒲氏邑吏蒲拱女年十六爲紅巾賊所執欲污之

麻城縣志

卷之八

九

女給賊於山橋僻處技簪抉其一目賊怒甚办之
罵不絕口死

張氏令商水劉漢妻從夫任商水流賊至氏同女鸞
山死上窟中正統中旌表

明鄒氏給諫鄒騏女職方主事李文祥妻文祥蚤卒
氏苦節四十餘年茹蘖飲冰壽垂八十弇州王□
貞贈一聯云一門七節萬里孤忠盖因氏苦節□
一門觀感而起者有六云

李氏舉人周弘烈妻烈中式後抱病垂危氏年二十願先死以明不二烈卒遂不食死舊經題表烈少年亦不苟於色赴鹿鳴宴妓供茶果却而不食□熊烈女初父母許聘劉康康病劇女割左股遺康食之女聞訃誓以死從因父母力勅乃言不令我哭於劉終不生於是携之往哭慟欲絕姑泣曰女未適吾兒可無死女曰吾以股食之卽以身事之矣不死何歸卒死之御史舒鰲給銀合葬都御史趙

麻城縣志

卷之八

十

贄上其事於朝詔旌表仍復其家

劉氏端簡公采女適都轉運周載長子弘祚弘祚蚤死氏孀居三十餘年執夫喪坐臥一樓執翁姑喪盡禮以節孝聞端簡公亦敬之賦性嚴毅皎潔內外無間言直指郭公禮□致獎見卓吾傳

俞氏孝廉周弘祁妻御史□希禮女弘祁死氏以憂毀殉符卿周弘禴稱其□節似父云

毛氏侍御聚峰毛公女適□文文□死氏年二十有

五矢志柏舟潛心內典工筆硯壽八旬餘旌表私
謚文貞刻有毛文貞集所傳桃花暮雨烟中閣
子春風月下樓句詩率類此表玉蟠太史序之奉
旨建坊旌表坊在西關外今存

李氏刺史王寵麟繼室寵麟卒氏年二十餘哭泣不
食經四十日會疾革知族衆不利於孤者必傾孤
預戒家人置棺中勿封歛衆果蝟集譟孤殺母氏
從棺中言已知汝輩計必出此也衆大慙而去然

麻城縣志

卷之八

十一

後暝

鄒氏董胤長妻胤長讀書痼疾臨危氏已絕粒數日
矣及夫死觸棺頭裂姑與母抱持之勺水不入口
者六日遂絕少宰劉鍾英題旌表

余氏岐亭葉振華妻崇禎乙亥春流寇初入境氏聞
警郎以節烈自矢及寇至隨夫竄身斑竹園勢將
危迫度不免氏自經夫解縛數次爭之不能奪抵
黃昏乘夫不見卒縊樹間死

仙釋

北朝麻姑石虎時麻胡秋女父强悍人畏之築城嚴
酷晝夜不止惟鷄鳴乃息姑有息民心假作鷄鳴
羣鷄皆鳴衆乃息父覺欲撻之姑懼逃入仙姑洞
修道後於城非石橋飛昇迫者不及名其橋曰望
仙

厝釋眞應禪師住龜峰山與名流往來如慧遠之在
東林也戒律精嚴跏趺坐逝又虛應靈應禪師皆

麻城縣志

卷之八

十二

有道場

神土主世傳宋西蜀人張姓行七稱張七相公宋封
紫微侯明封助國順天王初遊歷麻城見沿江□
淫祠毀之繫獄邑有火災釋而捍之跨烏騅執□
梃指火火滅遂至縣西非五腦山人馬俱化去後
人建祠祀焉洪武初凡封爵趨朝後期法當死□
有趨朝而塗病者度不能及忽有人斲肉食之□
□及期後知爲□□□□□□西□□□□□□

於寐使之整備凡邑人厄難神助之多有其據值科場宿山禱夢如劉守泰梅之煥劉伸皆奇驗至江湖間呼應尤不爽遠近朝謁者無虛日

釋大智東山童氏子應化南海嘗經行普陀山山瀕海師曰何惜千步沙爲老僧經行地次日卽湧沙千步至今名千步沙其他神異多類此

釋無念名深有東山熊氏子少孤披剃徧遊諸方一日叅一名宿值宿方鋤瓜茄次師請開示宿卽指

麻城縣志

卷之八

十三

曰黃瓜茄子師叅四十年後忽有省原不識文字自是偈頌書札口占如流李卓吾聞而與之遊焦弱侯陶周望黃平倩袁中郎皆致禮焉晚年入黃栢山建大禪林中郎爲之記鄒南臯作傳刻有醒昏錄黃栢復問基隆山亦其道場請益者輒罵諸方謂黃栢門庭高峻一時有天童打黃栢罵之語然無上堂窠臼有胞姪自空名常聞亦從披剃後侍李卓吾頗通文字好諧語寓秘義爲人淡薄無

求居丫杵三十年不下山有龍湖閒□新葛藤對
紙閒談諸作早築一壙可伸仰題詩曰整日死關
在眼傍自然世昧冷如霜閒來辦下藏身窟莫待
臨時手脚忙有過訪者輒率同坐其中或嫌之師
曰生寄也死歸也汝終不免耳相知者死俱列名
祀之而自署其□於末

釋道一名明明周氏子少穎悟超異曾不入俗初名
之首應童子試□第一後至河見爭渡者有感遂

麻城縣志

卷之八

十四

棄巾衫學仙遯跡武夷之大王峯迨歸里隨李卓
吾住龍湖契合遂爲僧愛白臬山築三教堂居焉
學主慈悲視殺蟲魚與殺人無異意所不屬雖久
聚處不知其姓名復入武夷諸弟子強之還白果
舟次齊安一夕端坐而寂納龕中塋八年邑人發
而茶毘之啓龕則全身不壞遂供養塋中文信口
詩無韻惟天機□妙見雁臺集

□城縣志卷之八終

曹胤昌字石癖別號石霞幼聰穎作文倣徐庾不事家產己卯舉鄉試第一癸未成進士授嘉定令放懷詩酒不修吏治會巡按考察問刑名錢穀幾何應云文章頗能幾句簿書非職所長因左遷閩鹽官首領隨改革解綬歸里讀書立浪園不關世事洪閣部入楚聘起與語知其無意於世聽歸晚歲研精佛乘益磊落自好其父自明宦永昌至順治十七年雲南入版始聞計負病奔喪賴一時仕滇

麻城縣志

卷之八

又一

者慕其文名高其孝德率贈賻爲經營而同鄉楊司理兆傑猶力平西藩王亦厚贈予郵符故得達永昌奉其柩歸先時何閔中督學滇南亦殞永昌其後人零落無可爲扶襯者胤昌旣奉父喪并挈其柩歸比至昆明胤昌旣病且勞亦卒於時家人慮道遠喪多欲置何柩比行胤昌柩獨不發其弟祝曰特非爲何先生乎當偕行爾乃發胤昌與何實昧生平聞者益嘆其義胤昌初入滇遇四歲小

兒呼胤昌名與語讀胤昌闡牘甚悉詢之則己卯
主試章正宸後身也謂胤昌曰吾與者又同行矣
胤昌因作紀異十律及奉父柩再過訪小兒已化
去胤昌無幾竟殞卒年五十三有蔬堂文集及拖
腸鳴等刻行世後友魯紫涯爲作薦福清詞有曰
少登仕籍一肚皮不合時宜晚事空□百草頭無
非祖意又曰君親師友之誼經百折而彌堅筐篋
田宅之謀只一麾而不顧盖實錄云